

Neque ullum mihi est dubium, quin eodem sensu Epimenides appelletur Θεολόγος, quo dicitur προφήτης. Diserte namque Pollux l. 19. Θεολογείν notionibus περιμαντικής τέχνης annumerat. Et quamuis Epimenides in multis reliquos Poetas longo post se interuallo relinquat, omnes tamen, nescio quem, Enthusiasmum crepant. Vna omnium uox est.

Est DEVS in nobis, agitante calescimus illo:

Sedibus aethereis spiritus ille uenit.

Plato, cuius uerba laudat Clemens Alexandrinus L. VI. Strom. p. 698. κοῦφον, inquit, γὰρ τι χεῖμα καὶ ἱερόν ποιητής, καὶ οὐχ ὁίος τε ποιεῖν, πρὶν ἂν ἐνθεός τε καὶ ἐκθεῶν γένηται. Quod uero mysteriorum interpretes, et Sacerdotes Theologi pariter dicti sint, id plurimis probatum dedit Gisbertus Cupe- rus, de Apoth. Homeri p. III. Affert inprimis pro sua sen- tentia nummum Pergamenorum, cuius haec est inscriptio ΕΠΙΣΚΟΜΦ. ΓΑΤΚΩΝΟΣ ΘΕΟΛΟΓΟΥ ΠΕΡΓΑΜΗΝΩΝ ΠΡΩΤΩΝ Γ ΝΕΩΚΟΡΩΝ. Non curio Io. Harduinum, qui Opp. fol. 939. Θεολόγον in hoc nummo de illo explicat, qui de Diis, h. e. Augustis, quales fuere Traianus, Decius et Hetru- fcus, panegyricam orationem habuit. Habet quidem, non ignoro, uox Θεολογείν eam significationem, ut deno- tet, aliquem, tanquam DEVM, celebrare. Hoc sensu, in Phi- los. Origen. c. XXIV. Brachmanes dicuntur Θεολογείν Dan- damin quendam. Quo minus tamen hanc in praesenti nummo admittam significationem, facit alius nummus Per- gamenorum, in quo ΙΕΡΕΥΣ appellatur, qui in altero illo dicitur ΘΕΟΛΟΓΟΣ. Inscriptio ita se habet Μ. ΦΟΥΡΙΟΣ ΙΕΡΕΥΣ ΚΑΙ ΑΣΙΑΡΧΗΣ ΠΕΡΓΑΜΗΝΩΝ. Sic igitur ΘΕΟΛΟΓΟΣ et ΙΕΡΕΥΣ ΠΕΡΓΑΜΗΝΩΝ unum sunt idem- que. Neque id obscurum est ex nomine ΝΕΩΚΟΡΩΝ, quod Polluce teste L. I. 14. Θεραπευτήν τῶν θεῶν denotat, et ob Numinis alicuius, cuius curam habebant, cultum, certis in Asia ciuitatibus tribuebatur. In ipsa Scriptura Act. XIX. 35. E- phesus νεωκόρος τῆς Ἀρτέμιδος dicitur. Eroptis tandem meri- to Theologi dari nomen, ex Clem. Alexandrini patet L. I. Strom.